

جریدہ علیہ

مشیت جلیلہ اسلامیہ ک جریدہ رسمیہ

برنجی سنہ آمدہ بر نشر اولنور عدد ۱۰

۳ رجب سنہ ۱۳۳۲ و ۱۵ مایس سنہ ۱۳۳۰

« لیلہ رغالہ عیمة المواب »



امور اداره و تحریریه مشیخت علیا مکتوبیحانی طرفندن نظارت اولنور.



مطبعة عامره — استانبول

۱۳۳۲

۲۲ ج ۳۳۲

زيد عمروك ملك عرصه سنى تغلبا ضبط واوزرينه نفسى ايجون بنا احداث ايلسه
عمرو زیده بناسنى قلع ايتدير مکه قادراولور مى. الجواب : اولور [*]



اجوبه شرعيه [۱]

وظیفه تولیت اجرت اولوب متولى اولان کیمسه نك آنجق تولیت خدمتى ادا ايتد کده
مذکور اجرت به مستحق اوله جفته مبنی وظیفه تولیتی ایفا ایتدیکی مدت ايجون بر کیمسه دن
اجرت تولیت طلبنه شرعاً حق و صلاحیتی یوقدر . [۲]

*
**

فتواخانه عالی دن نقض اولنان جا قاضیلکنک ۱۱ ربیع الآخر سنه ۱۳۳۲ تاریخلی اعلامنک اسباب نقضیه سی :
مدعی جهت قرضدن یکر می بر لیرا آله حق ادعا ومدعی علیه دخی استقراض
ایلدیکی بعد الاقرار مدعی به بر دفعه ده یوز اون مجیدیه ویردیکی کبی دیگر دفعه ده دخی
دین مذکور ايجون بر مجیدیه ایله بش عدد زهر اویات اعطا ایلدیکی دفعاً بیان ایلشدر.
کرچه دفعاً اعطا اولندینی در میان اولنان مبالغ خلاف جنس دین ايسه ده تراضی واقع
اولدیغی تقدیرده بر دینک خلاف جنسیله تأدیه ایلمسی مشر و عدر.
مدعی بو ایکی قلم اموالی مدعی علیه دن قبض ایلدیکی اقرار فقط مأخوذات مذکور نك

[*] ومن غصب ساحة وبني عليها وللمغصوب منه ان يأمر القاصب بنقض البناء وهي معروفة في الاصل
« جميع الفتاوى في الغصب على افندی »

[۱] یدندن بغیر حق آلتان تولیتی استرداد ایلدیکی جهتله متولى سابقک مأخوذی اولان اجرتی ده استردادده قادر اولوب
اولدیغنک بیانی استرحامنه دائر محمد رضا امضاسیله مقام معالی مشیخته تقدیم اولنان استدعا اوزرینه فتواخانه عالی دن ویریلان جوابدر.

[۲] بو مسئله نك نقلی :

« في الوظائف شوب الاجارة فكان القدر الذي يتناوله من الوقف هو في مقابلة هذا العمل في معنى الاجرة [انفع الوسائل]
اصحابنا اعتبروا المعلوم اجرة وهي لا تجب الا باداء الخدمة. [البحر الرائق]

جميع واقفل وقفلرینی اجرت اولق اوزره ترتیب ایلشدر و جهات براتلرنده دخی کاینبغی خدمتی ادا ایتدکلرندن
صکره وظیفه لرینی الالار دیو تعیین اولنور اصلا مساعه ممکن کدکدر خدمت ايجون اجرت آلتق ممکن کدکدر (ابو السعود العمادی) »

مدعی علیه ایله کندی اره سنده موجود اولان دیگر حسابیه تفرع ایتیمکده اولدیغنی تذکار ایلشدر بنابرین بو دیگر حسابک نه دن عبارت بولندیغنی مدعیدن استیضاح اولنه رق مدعینک مذکور دفع الدفعی مشروع اولدیغنی تحقق ایلد کدنصکره دفع الدفع وجهله دیگر حسابدن طولای مدعی به بورجی بولنوب بولندیغنی مدعی علیهدن سؤال ایلملیدر .

مدعی علیهک بر وجه دفع الدفع مدعی به بشقه جه بورجی بولندیغنی ومذکور ایکی قلم مبلغ؛ مذکور بشقه بورج ایچون ویرلیدیکی حجج شرعیه دن بریله تحقق ایدرسه مدعی علیه اصل بورجی اقرار ایلش اولدیغندن کندیسنه یمن تکلیفنه حاجت قالمیه رق مدعی علیه مرقوم محکوم ایلمک مقتضیدر . دفع الدفع حجج شرعیه دن بریله تحقق ایتدیکی صورتده مدعینک ، مدعی علیهدن مأخوذا بولنان ایکی قلم مبالغ مدعینک مدعی علیهدن مطلوبی بولنان یکر می بر لیرایه قارشو مقدار قیمت ایله محسوبک اجرا ایلمسی اقتضا ایدر .

*
* *

فتواخانه عالی دن نقض اولنان بابندر قاضیلکنک ۲۲ جمادی الاخره سنه ۱۳۳۰ تاریخلی اعلامنک اسباب نقضیه سی :

اولاً : جامع شریفک متولیس علی افندیکنک مدعابه دکانلرده دخی متولی اولوب اولمادیغنی سؤال ومتولی دکل ایسه قائم مقام متولی نصب ایلمک یعنی خصومتی رأی اولنق لازم کلورکن بوکا تعرض اولنماسی .

ثانیاً : دکانلرک ابنیه سی مسجده مشروطه اجار تینلی و عرصه سی بشقه وقفه عائد ومقاطعه به مربوط اجاره واحده لو اولوبده اولوجهله اجاره زمین آلمسی لازم کلورسه دکانلرک موقوف اولدیغنی طرفک عرصه نک بموقوف بولندیغنی جهته اجاره ویرمسی لازم کله چکی هم ابنیه ، وهم عرصه نک مسجده موقوف اولسی حالنده ایسه اجاره زمینک معناسی اوله میه جنی درکار ایکن توضیحی مقتضی اولان شوجهتک دعوا ی حاضرده نظره آلمماسی .

ثالثاً : اعلامده قاضی طرفندن احکام اوقافه عطفاً بیان اولنان مسائلدن هیچ برینک حادثیه موافق بولنماسی .

رابعاً : شهودک شهادتلی اجاره زمین اوله رق سنوی مقدار معلوم مبلغک متوالیر طرفندن آلمقده اولسنه متدائر اولوب بو شهادتله مدعابه دکانلرک وقفتی ثابت اوله میه - جغنک تأمل ایلمماسی .

خامساً : محکمه ده مقید بولنق جهتیله مضمونیه عمل اولنق جائزدر دیه کوستریلوب

بر مصدق صورتی اوراق تمیزیه میاننده بولنان وثیقه بر خصم شرعی مواجهه سنده عن محاکمه ویرلش اولیوب مجرد اخباردن عبارت اولغله بوکبی دعاوینک اثباتنه مداربولنماسی . سادساً : مدعی علیه هانکی تاریخدن اعتباراً اجرت ویره جکی تعیین ویکون اجرت حساب ایدلمکسزین مجهول اوله رق حکم ویرلسی .

سابعاً : وقفیت یالکز زمینه می یوقسه هم ابنیه همدہ زمینه می راجعدر بو جهتلر عن محاکمه حل واجرمثل اثبات ایدلمکسزین مسئلہ نک حکمہ ربط اولنسی .

*
**

فتواخانه عالی دن نقض اولنان معرۃ النعمان قاضیلکنک ۲۸ صفر سنہ ۱۳۳۲ تاریخلی اعلامنک اسباب نقضیه سی :

اولاً : متولی وقف خیانتله اتهام اولندقدہ بو خصوصدن طولای متولی علیه اقامہ دعوی ایدلمک اوزره طرف قاضیدن قائممقام متولی نصب اولنسی لازمکلورکن حضور شرعہ مدعی صفتندہ بولنان ذاتک خصومتی رأی اولنقی صورتیله قائممقام متولی نصب ایدلمکسزین دعوانک استماع ایدلش اولسی .

ثانیاً : متولی مشروطله بولنان مدعی علیه سقیفه واغلاق وقف کی وقفہ عائد بعض شیلری بیع ایلدیکنی اقرار ایتدیکی حالده بورالرینک نظر اعتباره آلتامش اولسی . ثالثاً : اقوام سابقہ نک وقفہ عائد بویولده کی معاملہ لری غیر مشروع اولدینی حالده قاضی اقدی طرفندن تعاملک بروجہ مشروع جاری اولسنک سبب اتخاذا صورتیله معاملہ یه صفت مشروعیت ویرلسی .

رابعاً : مجدداً کدک وضعی با ارادہ سنیه ممنوع بولندینی حالده متولی مشروطله طرفندن کدک وضع اولدینغه دائر افادانک خیانت عد ایدلماش اولسی .

*
**

فتواخانه عالی دن نقض اولنان سوکه قاضیلکنک ۶ ذی القعدہ ۱۳۳۱ تاریخلی اعلامنک اسباب نقضیه سی :

اولاً وکیللرک وکالتی تسجیلہ می یوقسه اصول شرعی سی وجهله اعطا اولنش وکالتنامہ یه می مستنددر اعلامده بوجهته تعرض ایدلماشدر .

ثانیاً مبلغ مدعا به مدعیلرک وکیلنه تسلیم ایلہ حکم اولنش ایسده مجله نک «۱۵۱۹» نجی

ماده سنده مذکور اولدینی اوزره خصومه وکالت قبضه وکالتی مستلزم اولمادیغندن وکیل مومی الیه قبضه وکیل دکل ایسه محکوم بهی بالوکاله قبضه صلاحیتی بولناماق ووکالتی وار ایسه اعلامده کوسترملک لازم کلورکن بوجهته دقت اولنماسی .

ثالثاً مدعی علیه وکیل طرفندن متوفانک یوز اللی لیرا مقبوضی اولدیغنه دائر ابراز اولنان سنده قارشو مدعیلر وکیلنه نه دیه جکی یعنی متوفانک مقبوضی بولنوب بولندیغنی سؤال اولنه رق حاصل اوله جق نتیجه یه کوره بر قرار اتخاذایدلنماسی .

رابعاً مدعی علیه یان هربری طرفندن برر وکیل حاضر بولنش ایسه ده ابراز اولنان سندی اقراره دائر اولوب اعلامده مذکور « اولدخی جوابنده » عباره سندن اقرارک بو ایکی وکیلدن هانکیسنه عائدیتک آکلاشیلمامسی .

تلیغات عمومی

« بالعموم مراکز ولایات والویة غیرملحقه قاضیلکرینه کشیده بیوریلان ۳ مارت سنه ۳۳۰ تاریخلی تفریغنامه عالی صورتیدر » عواطف سنیة حضرت خلافتنا هیدن مسند مشیخت بوکره عهدۀ مخلصیه تفویض بیورلمغله مستعیناً بتوفیقاته تعالی وظیفه یه مباشرت اولندی مأمورین شرعیه نک وظائف موکوله لرینی احکام عادلۀ شریعت و اساسات مبعجلۀ مشروطیت دائره سنده حسن ایفایه اعتنا ایتملری بغایت ملتزم اولدیغندن بومسلك قومیه سالک اولانلرک دنیوی و اخروی نائل مکافاة و خلاقی حرکتده بولنانلرک دوچار مجازات اوله جقلری خاصۀ اخطار و ملحقات قضائیه ده ایفای و صایا اولنمیشی توصیه اولنور .

* *

« عاکم شرعیه ده شهادت کاذبه نک منع وقوعی ایچون توسل اولنله جق تدابیر حقنده » بعض اشخاصک یالان یره شهادت کبی مادی و معنوی موجب نکال عظیم اولان بر فعل مردودی صنعت و اعتیاد ایدینه رک احکام مقدسه شرعیه یه توفیقاً محافظۀ حقوقی متکفل بولنان محاکم شرعیه یه دخی فرجه یاب دخول اوله رق افادات مزوره لر یله اضاعۀ حقوقه ساعی بولنملری یوزندن خلقت کوندن کونه وثوق و اعتمادی منسلب اولمقده بولندیغنی مشهود اولدیغندن بعد ازین استماع ایدیله جک شهودک قبل الاستماع احوال حاضره و سابقه لری مزید اعتنا و دقتله تفحص و اوصاف لازمه شرعیه یی تمامیه حائر اولوب اولمدقلری سرعت